



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 40. Contra Nestorium Testimonia.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. omnes Epistolam, & dogmata Nestorii a-
 A. C. 431. natbematizamus! omnes Hæreticum Ne-
 storium anathematizamus! omnes illos,
 qui cum Nestorio communicant, anathe-
 matizamus! fidem impiam Nestorii ana-
 thematizamus. *Universa terra Religio-
 nem impiam anathematizat! qui Nesto-
 rium non anathematizat, anathema sit!*
 Tum petierunt; ut legeretur sanctissimi
 Episcopi Romani Epistola. Juvenalis
 dixit: *Legatur etiam Epistola, quam san-
 ctissimus Archiepiscopus Romanus, Cæle-
 stinus, in materia fidei scripsit!* Petrus
 Presbyter versionem Græcam Epistolæ
 S. Cælestini Papæ ad Nestorium legit,
 tum subjunxit: *Piissimus noster Episco-
 pus Cyrillus scripsit, quæ huic Epistola
 conformia sunt, ejusque Epistolam mani-
 bus tenemus; legemus, si jubeatis.* Fla-
 vianus Philippensis dixit: *Legatur hæc
 etiam, & Actis inseratur!*

§. XL.

Contra Nestorium testimonia.

Sup. n. 21. Petrus Presbyter legit tertiam S. Cy-
 rilli ad Nestorium Epistolam, nempe
 illam Synodalem, cui duodecim Anathe-
 mata adjuncta; tum subjunxit: *Istæ Cæ-
 lestini, & Cyrilli Epistolæ Nestorio scri-
 ptæ sunt, & per Episcopos Theopemptum,
 Danielelem, Potamonem, & Macarium red-
 dita, peto, ut Theopemptus, & Daniel,
 hic*

hic presentes hac super re interrogentur! Sæculum V.
A. C. 431.
 Flavianus Philippensis dixit: *Edicant, an litteras reddiderint?* Theopemptus, Episcopus Cabasinus, dixit: *Die quadam Dominica ad Ecclesiam Cathedralem nos contulimus, cum Divinum officium celebraretur, atque has litteras Nestorio, presentibus omnibus Clericis, & ferme omnibus Illustribus, reddidimus. Idem Daniel, Episcopus Darnensis, testatus est. Flavianus Philippensis dixit: An redditis sibi litteris satisfecit?* Daniel respondit: *dixit nobis, ut die sequenti in aedes ejus veniremus, sed advenientibus clausas fores objecit, nec quidquam respondere dignatus est.* Theopemptus subjunxit: *Acceptis his litteris, nullatenus satisfecit, imo deinde sermones in Ecclesia pronuntiavit peiores prioribus, & in hanc usque diem populum pervertit.*

Fidus Episcopus Joppensis dixit: *Quod Nestorius in eadem fide perseveret, Episcopi Acacius, & Theodotus, qui hic presentes sunt, testimonium dicant! Nestorio enim collocuti sunt, & non sine unius periculo; rogamus ipsos, & per sancta Evangelia, hic presentia, adjuramus, ut ea, que a Nestorio ad huc ultimo triduo audierunt, ad acta dictent!* S. Cyrilus dixit: *Cum hic non agatur de re exigua, sed omnium maxima, scilicet de vera fide in Jesum Christum, rationi con-*

Sup. n. 34.

Sæculum V.
A. C. 431.

Nestorius.

sentaneum est, ut Episcopi Theodotus, & Acacius, viri pii, & sinceræ fidei, edicant, quæ Ephesi audiverint. Theodotus Ancyranus dixit: Amici mei vices doleo, sed præ omni necessitudine est mihi Religio, & quamvis animus intus repugnet, de factis, de quibus interrogor, respondendum; nec tamen testimonium nostrum adeo est necessarium, cum ex ejus Epistola, quid credat, satis appareat. Quod in illa Epistola dixerat de Verbo Divino, eidem infirmitates humanas tribui non posse, iterum dixit in hac Civitate. Sicut etiam in Epistola affirmaverat, Deum ex Virgine genitum, & lacte ejus nutritum dici non debere, ita rursus in hac Civitate sæpius dixit, de duorum, triumve mensium Deo nihil memorandum. Non nos modo, sed plures alii, talia Ephesi loquentem, ante paucos dies audierunt.

Acacius Melitinensis dixit: Ubi fides periclitatur, omnis affectus privatus decedat. Itaque etiamsi plus cæteris Nestorium amaverim, utque virum servarem, nihil reliquerim intentatum, veritatem edicam, ne perdam animam meam! quamprimum Ephesum adveni, Nestorio collocutus sum, vidensque eum in pessimo errore existere, nulli conatui peperci, ut ad meliora adducerem. Ore edixit, dimittere se hanc sententiam. Post decem, aut duodecim dies, cum eandem materiam in medium

dium attuliffem, pro veritate disputabam; Sæculum V.
A. C. 431.
 obstupui, quod eam impugnaret, & quæ-
 stione absurda respondentem me vellet co-
 gere, vel absolute negare, Divinitatem
 Filii unici carnem assumpsisse, vel fateri,
 Divinitatem Patris, Filii, & Spiritus S.
 cum Verbo Divino in carne venisse; quod
 dicere Hæreticum foret. Itaque maligna
 hæc erat interrogatio, & in eum finem
 formata, ut fidem destrueret. In alia con-
 versatione Episcopus, ex illis, qui cum i-
 pso erant, profatus, dixit, alium esse Fi-
 lium, qui passus est, & aliud Verbum Di-
 vinum. Cum Blasphemiam non ferrem,
 valedixi huic Cætui, & discessi. Alius,
 qui cum Nestorio erat, patrocinebatur
 Judæis, dicens, ipsos non in Deum, sed in
 hominem peccasse.

§. XLI.

Patrum Auctoritas adducitur.

Flavianus deinde petiit, ut hæc Doctri-
 na Auctoritate Patrum firmaretur,
 eorum verba legerentur, & ad Acta re-
 ferrentur. Petrus Presbyter dixit: *Pa-*
ratos habemus Libros Patrum, Episcopo-
rum, & Martyrum, ex quibus paucos ex-
cerptissimus articulos; legam, si ita placet.
 Flaviano id rursus petente, legit locum
 ex Libro S. Petri, Episcopi Alexandrini,
 & Martyris, de Divinitate; alium S. A-
 thanasii contra Arianos, alium ex ejusdem

p. 508.